



Bosnia and Herzegovina
Federation of Bosnia and Herzegovina
CANTON SARAJEVO
Government

Broj: 02-04-43099-2/22
Sarajevo, 20.10.2022. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na **98.** sjednici održanoj **20.10.2022.** godine, donijela je

Z A K L J U Č A K

1. Utvrđuje se prijedlog Zakona o izmjeni Zakona o pružanju besplatne pravne pomoći.
2. Predlaže se Skupštini Kantona Sarajevo da donese zakon iz tačke 1. ovog zaključka po skraćenom postupku, u skladu sa članom 158. Poslovnika Skupštine Kantona Sarajevo („Službene novine Kantona Sarajevo“, broj: 41/12- Drugi novi prečišćeni tekst i 15/13, 47/13, 47/15, 48/16, 9/20, 14/20, 16/22 i 17/22 - Ispravka).

PO OVLAŠTENJU PREMIJERA

ministar Davor Čičić

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo pravde i uprave Kantona Sarajevo,
6. Evidencija,
7. A r h i v a.

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
VLADA

ZAKON
O IZMJENI ZAKONA O PRUŽANJU BESPLATNE PRAVNE POMOĆI
(PRIJEDLOG)

Nosilac izrade:
Ministarstvo pravde i uprave

Sarajevo, oktobar 2022. godine

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici od _____2022. godine, donijela je

(PRIJEDLOG)

**ZAKON
O IZMJENI ZAKONA O PRUŽANJU BESPLATNE PRAVNE POMOĆI**

**Član 1.
(Izmjena člana 26.)**

U Zakonu o pružanju besplatne pravne pomoći ("Službene novine Kantona Sarajevo", br. 1/12, 26/14 i 40/17), u članu 26. stav (4) mijenja se i glasi:

"(4) Pravni zastupnik, izuzev direktora Kantonalnog zavoda za pružanje besplatne pravne pomoći, ima pravo na uvećanje plaće u visini od 20%, zbog posebnih ovlaštenja i posebnih uslova rada iz st. (2) i (3) ovog člana.

**Član 2.
(Rok za usklađivanje pravilnika o plaćama i naknadama)**

U roku od 30 dana od dana stupanja na snagu ovog zakona direktor Zavoda dužan je uskladiti pravilnik o plaćama i naknadama državnih službenika i namještenika sa odredbama ovog zakona.

**Član 3.
(Stupanje na snagu)**

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj: _____

Sarajevo, _____

**PREDSJEDAVALAČI
SKUPŠTINE KANTONA SARAJEVO**

Elvedin Okerić

OBRAZLOŽENJE

I – PRAVNI OSNOV

Pravni osnov za donošenje ovog zakona sadržan je u odredbama člana 18. tačka b) Ustava Kantona Sarajevo ("Službene novine Kantona Sarajevo" br.1/96, 2/96 - Ispravka 3/96 - Ispravka, 16/97, 14/00, 4/01, 28/04, 6/13 i 31/17) kojim je propisano da Skupština Kantona Sarajevo donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona, a u vezi sa članom 8. stav 1. Ustava, kojim je propisano da će Skupština obezbijediti donošenje takvih propisa kojima će se u prvom redu zaštititi utvrđena ljudska prava i slobode, te uvesti efikasni instrumenti te zaštite.

II – RAZLOZI DONOŠENJA

Skupština Kantona Sarajevo je na 55. Radnoj sjednici održanoj dana 04.10.2022. godine, donijela Zakon o izmjeni Zakona o plaćama i naknadama u organima vlasti Kantona Sarajevo ("Službene novine Kantona Sarajevo", broj 5/19), kojim je za rukovodioce samostalne kantonalne upravne organizacije utvrđen koeficijent za plaće u iznosu od 8,80. Povećanje koeficijenta rukovodilaca samostalnih kantonalnih upravnih organizacija utvrđeno je, između ostalog, zbog odgovornih i obimnih poslova koje obavljaju ova lica, a koji zahtijevaju visoku stručnost i samostalnost u radu i odlučivanju.

Imajući u vidu navedeno, pojavila se opravdana potreba da se u članu 26. stav (4) Zakona o pružanju besplatne pravne pomoći ("Službene novine Kantona Sarajevo", br. 1/12, 26/14 i 40/17) od prava na uvećanje plaće zbog posebnih ovlaštenja i posebnih uslova rada, izuzme direktor Zavoda za pružanje besplatne pravne pomoći.

III – PRAVNA RJEŠENJA

Član 1. – Ovim članom mijenja se član 26. stav (4) Zakona, na način da se od uvećanja plaće u iznosu od 20% izuzima direktor Zavoda za pružanje besplatne pravne pomoći.

Član 2. - Ovim članom propisuje se rok za usklađivanje pravilnika o plaćama i naknadama državnih službenika i namještenika sa odredbama ovog zakona.

Član 3. – Ovim članom propisuje se stupanje na snagu Zakona.

IV – DONOŠENJE ZAKONA PO SKRAĆENOM POSTUPKU

Imajući u vidu da se ne radi o složenom i obimnom zakonu, Ministarstvo pravde i uprave, kao nosilac izrade propisa, pripremilo je Prijedlog Zakona o izmjeni Zakona o besplatnoj pravnoj pomoći, te se s tim u vezi, predlaže donošenje zakona po skraćenom postupku, shodno članu 158. Poslovnika Skupštine Kantona Sarajevo ("Službene novine Kantona Sarajevo", br. 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20 i 16/22).

V – FINANSIJSKA SREDSTVA

Za provođenje ovog zakona nisu potrebna dodatna finansijska sredstva.



Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Broj: 08-03-11-42061/22 MD
Sarajevo, 12.10.2022. godine

KANTON SARAJEVO **MINISTARSTVO PRAVDE I UPRAVE**

Predmet: Mišljenje na Prijedlog Zakona o izmjeni Zakona o pružanju besplatne pravne pomoći;

Veza: Vaš dopis, broj: 03-04-02-41983/22 od 10.10.2022. godine;

Vezano za Vaš zahtjev za mišljenje na Prijedlog Zakona o izmjeni Zakona o pružanju besplatne pravne pomoći, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Ministarstvo pravde i uprave Kantona Sarajevo je postupilo u skladu sa navedenim Pravilnikom i Ministarstvu finansija uz Prijedlog Zakona dostavilo na mišljenje popunjen i potpisan obrazac IFP-NE u kojem je data sljedeća izjava: „Prijedlog Zakona o izmjeni Zakona o pružanju besplatne pravne pomoći ne zahtijeva izdvajanja dodatnih sredstava iz Budžeta Kantona Sarajevo“.

Obzirom da za provođenje Prijedloga Zakona nisu potrebna dodatna sredstva iz Budžeta Kantona Sarajevo, na navedeni Prijedlog Zakona o izmjeni Zakona o pružanju besplatne pravne pomoći, Ministarstvo finansija, sa aspekta fiskalnog učinka na Budžet, **nema primjedbi**.

Ovo mišljenje je dato u skladu sa odredbama Prijedloga Zakona koji se obrađuje i podataka navedenih u Obrascu IFP-NE Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.

Dostaviti:

1. Naslovu
2. MF-Sektor za budžet i fiskalni sistem
3. a/a

Pripremio: Mensura Drakovac, BA menadžmenta
Kontrolisala: Amina Moćević, mr. oec





Broj: 09-02-42056/22
Sarajevo, 11.10.2022. godine

KANTON SARAJEVO
MINISTARSTVO PRAVDE I UPRAVE

PREDMET: Stručno mišljenje na prijedlog Zakona o izmjeni Zakona o pružanju besplatne pravne pomoći.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17-Dруги нови преčišćени текст, 2/18-Ispravka i 32/22), Ured za zakonodavstvo Vlade Kantona Sarajevo, daje slijedeće

MIŠLJENJE

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Zakona o izmjeni Zakona o pružanju besplatne pravne pomoći (u daljem tekstu: Zakon), a iz razloga koji su navedeni u obrazloženju predmetnog materijala.

Procjena opravdanosti razloga za donošenje predmetne izmjene Zakona u isključivoj je nadležnosti Vlade, odnosno Skupštine Kantona Sarajevo.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Други нови преčišćени текст, 2/18- Ispravka i 32/22), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



OVLAŠTENJU VLADE KANTONA SARAJEVO

Adis Bilić, dipl. pravnik

PRILOZI

Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;**
- c) _____¹
- d) utvrđuje politiku i donosi programe razvoja Kantona;
- e) potvrđuje Vladu Kantona²;
- f) -----³
- g) -----⁴
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prenosu ovlaštenja Kantona na općinu, Grad⁵ i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

¹ Tačka c) brisana je Amandmanom XXI („Službene novine Kantona Sarajevo“, broj 28/04)

² Tačka e) izmijenjena je Amandmanom XXI („Službene novine Kantona Sarajevo“, broj 28/04)

³ Tačka f) je brisana Amandmanom XXI („Službene novine Kantona Sarajevo“, broj 28/04)

⁴ Tačka g) brisana je Amandmanom XXI („Službene novine Kantona Sarajevo“, broj 28/04)

⁵ Riječ “općine” zamijenjena je riječima: “općinu, Grad “ - Amandmanom III („Službene novine Kantona Sarajevo“, broj 16/97)

ODREDBE KOJE SE MIJENJAJU

Zakon o pružanju besplatne pravne pomoći ("Službene novine Kantona Sarajevo", br. 1/12, 26/14 i 40/17)

SLUŽBENE NOVINE KANTONA SARAJEVO

Broj 1 – Strana 8

Ponedjeljak, 9. januara 2012.

- (2) Na rješenje iz stava (1) ovog člana primjenjuju se odredbe člana 18. ovog zakona

Član 21.

(Obaveza vraćanja sredstava)

- (1) Kada se u toku postupka donese rješenje o otkazivanju besplatne pravne pomoći zbog zloupotrebe prava na besplatnu pravnu pomoć ili se utvrdi da su se finansijske prilike korisnika ili članova njegovog porodičnog domaćinstva bitno izmijenile tako da je isti u mogućnosti potpuno ili djelimično vratiti troškove za pruženu pravnu pomoć, korisnik je dužan vratiti u budžet Kantona sredstva utrošena na pružanje pravne pomoći, o čemu se donosi posebno rješenje.

- (2) Na rješenje iz stava (1) ovog člana primjenjuju se odredbe člana 18. ovog zakona.

Član 22.

(Način obračuna troškova i utrošenih sredstava i pripadnost)

Troškovi ostvareni po osnovu pružene pravne pomoći i sredstva utrošena na pružanje pravne pomoći iz čl. 20. i 21. ovog zakona obračunavaju se prema advokatskoj tarifi, dok se ostali troškovi utvrđuju na osnovu odgovarajuće dokumentacije, a prihod su budžeta Kantona.

Član 23.

(Troškovi izgubljenog spora)

Kada korisnik izgubi spor za čije vođenje mu je odobrena besplatna pravna pomoć, nije dužan nadoknaditi troškove pravne pomoći.

POGLAVLJE VI. SUBJEKTI OVLAŠTENI ZA PRUŽANJE BESPLATNE PRAVNE POMOĆI

Član 24.

(Subjekti)

- (1) Besplatnu pravnu pomoć u skladu s odredbama ovog zakona pružaju nadležni organi utvrđeni ovim zakonom.
- (2) Besplatnu pravnu pomoć mogu pružati advokati koji su članovi advokatskih komora u Bosni i Hercegovini, udruženja i fondacija registrovane za pružanje besplatne pravne pomoći i drugi subjekti, u skladu sa drugim zakonima.

Član 25.

(Pravo zastupanja)

Pravo zastupanja korisnika besplatne pravne pomoći, u skladu sa procesnim zakonima u Federaciji Bosne i Hercegovine, imaju:

- službenici nadležnog organa, pod uslovima propisanim ovim zakonom,
- službenici udruženja i fondacija registrovanih za pružanje besplatne pravne pomoći i drugih subjekata, u skladu sa uslovima propisanim procesnim zakonima koji se odnose na punomoćnike stranke;
- advokati - članovi advokatskih komora u Bosni i Hercegovini.

POGLAVLJE VII. PRAVNI ZASTUPNIK

Član 26.

(Pravni zastupnik)

- (1) Pravni zastupnik nadležnog organa je rukovodeći državni službenik i stručni savjetnik u nadležnom organu (u daljem tekstu: pravni zastupnik).
- (2) Pravni zastupnik ovlašten je za samostalno pružanje besplatne pravne pomoći.
- (3) Pored opštih i posebnih uslova propisanih zakonom i provedbenim propisima koji se odnose na državne službenike, pravni zastupnik mora ispunjavati i posebne uslove utvrđene ovim zakonom i to položeni pravosudni ispit

i najmanje tri godine radnog staža nakon položenog pravosudnog ispita.

- (4) Pravni zastupnik ima pravo na uvećanje plaće u visini od 20%, zbog posebnih ovlaštenja i posebnih uslova rada iz st. (2) i (3) ovog člana.

Član 27.

(Zastupanje)

- (1) Pravni zastupnik preduzima sve radnje i učestvuje u svim fazama postupka do okončanja postupka.
- (2) Pravni zastupnik ne može zastupati više od jedne stranke u jednom predmetu.

Član 28.

(Obaveza čuvanja službene tajne)

- (1) Pravni zastupnik je dužan da čuva kao službenu tajnu sve što je saznao ili mu je stranka povjerila, izuzev ako je u svojstvu branitelja oslobođen ove obaveze na osnovu izričitog ili prećutnog odobrenja korisnika, kao i u slučajevima kada je branitelj, a posumnja da predstoji izvršenje težeg krivičnog djela ili kada se pokrene parnica radi namirenja troškova i izdataka koje je korisnik prouzrokovao nadležnom organu lažno prikazujući svoje imovno stanje, a u cilju obezbjeđenja besplatnog zastupanja.
- (2) Službenu tajnu iz stava (2) ovog člana dužni su čuvati i drugi zaposlenici koji rade ili su radili u nadležnom organu.

Član 29.

(Razlozi za odbijanje zastupanja)

Pravni zastupnik će odbiti odbranu i zastupanje u krivičnim stvarima i zastupanje u građanskom i upravnom postupku i upravnom sporu, u slučajevima predviđenim zakonima kojima se regulišu krivični, parnični i upravni postupak i upravni spor u Federaciji Bosne i Hercegovine.

Član 30.

(Otkazivanje punomoći)

- (1) Odmah po saznanju za postojanje razloga i okolnosti iz člana 29. ovog zakona, pravni zastupnik je dužan otkazati punomoć korisniku.
- (2) Po otkazivanju punomoći, pravni zastupnik je dužan u periodu od 30 dana nastaviti pružati pravnu pomoć, ako je to neophodno da se od korisnika otkloni kakva šteta, osim ako korisnik nije imenovao drugog zastupnika ili se preduzimanju tih radnji izričito protivi.
- (3) Pravni zastupnik nije dužan postupati u skladu sa stavom (2) ovog člana ako korisnik otkáže punomoć, ali je dužan u momentu otkazivanja punomoći u pismenoj formi obavijestiti korisnika o svim relevantnim rokovima kao i zakazanim terminima u konkretnom predmetu.

Član 31.

(Dužnosti pravnog zastupnika kao branitelja)

- (1) Pravni zastupnik kao branitelj tokom krivičnog postupka mora, zastupajući lice lišeno slobode, odnosno osumnjičenog ili optuženog, preduzimati sve neophodne radnje u cilju utvrđivanja činjenica i prikupljanja dokaza koji idu u korist lica koga brani, kao i zaštite njegovih prava.
- (2) Prava i dužnosti pravnog zastupnika kao branitelja ne prestaju u slučaju opoziva, sve dok ga sudija, odnosno sudsko vijeće, ne razriješi te dužnosti.

Član 32.

(Obaveza informisanja)

Pravni zastupnik je dužan da informiše korisnika o preduzetim radnjama u postupku i o svim drugim činjenicama relevantnim za tok i ishod konkretnog postupka.

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

Razdjel	KOD	NAZIV
1201	1201	Ministarstvo pravde i uprave Kantona Sarajevo

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Prijedlog Zakona o izmjeni Zakona o pružanju besplatne pravne pomoći					

C 3. Izjava o nepostojanju dodatnih fiskalnih efekata predloženog propisa

Prijedlog Zakona o izmjeni Zakona o pružanju besplatne pravne pomoći ne zahtijeva izdvajanja dodatnih sredstava iz Budžeta Kantona Sarajevo.

D 4. Pečat i potpis odgovornog lica obradivača, odnosno predlagača propisa

Ministrica Darja Softić Kadenić

Mjesto i datum

10. 10. 2022. godine

